

Sultan Pahang Seru Mahasiswa Serlah Nilai Keperibadian Mulia Dalam Masyarakat Bernama
6 Oktober, 2012

KUALA LUMPUR, 6 Okt (Bernama) -- Sultan Pahang Sultan Ahmad Shah meminta golongan mahasiswa memupuk nilai keperibadian mulia dalam diri masing-masing dan menyerlahkannya kepada masyarakat.

Pengerusi Lembaga Universiti Islam Antarabangsa Malaysia (UIAM) itu bertitah manusia yang gagal melihat kepentingan memupuk aspek personaliti ini akan memberi impak negatif kepada masyarakat berikutan kekurangan kesedaran terhadap kepentingan tersebut dalam kehidupan mereka.

"Sebagai Khalifah di muka bumi, kita perlu menggunakan ilmu pengetahuan yang diperoleh untuk mewujudkan hubungan baik serta menyumbangkan jasa kepada masyarakat dan negara berdasarkan nilai-nilai keperibadian mulia dalam diri kita," titah baginda pada konvokesyen ke-28 universiti itu di Gombak Sabtu.

Sultan Ahmad Shah turut berkenan merasmikan logo baru sambutan ulang tahun ke-30 UIAM, yang disambut mengikut kalendar Islam (1403 Hijrah-1433 Hijrah).

Pada majlis itu, Muhammad Fadhlullah Sharuddin, 23, graduan orang kelainan upaya (OKU) dari Kuliyyah Teknologi Informasi dan Komunikasi serta memperoleh Timbunan Purata Nilai Gred (CGPA) 3.454 menerima Anugerah Pencapaian Istimewa, yang disampaikan baginda.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=700104>